



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-612-2/21**
Datum: **20.01.2022. godine**

„Agencija za vodno područje rijeke Save“ rješavajući po zahtjevu pravnog lica, JP Autoceste Federacije BiH d.o.o. Mostar za donošenje rješenja o vodnoj saglasnosti na projektnu dokumentaciju za izgradnju lokalne saobraćajnice za Begov Han i Kovaniće od spoja sa magistralnom cestom M17 do uklapanja sa trasom postojeće lokalne ceste, uključujući i most preko rijeke Bosne, a u sklopu izgradnje autoceste na koridoru Vc: dionica Poprikuše - Nemila, na osnovu člana 109. stav (1) tačke 2., 9. i 14. Zakona o vodama («Službene novine Federacije BiH» broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), **donosi**

RJEŠENJE **o vodnoj saglasnosti**

1. Pravnom licu, JP Autoceste Federacije BiH d.o.o. Mostar daje se vodna saglasnost na projektnu dokumentaciju urađenu od strane pravnog lica „Higracon“ d.o.o. Sarajevo i „Yuksel Proje“ Uluslararası A.S. Ankara, Turska za izgradnju lokalne saobraćajnice za Begov Han i Kovaniće od spoja sa magistralnom cestom M17 do uklapanja sa trasom postojeće lokalne ceste, uključujući i most preko rijeke Bosne: „Glavni projekat izgradnja autoceste na koridoru Vc, sekcija Poprikuše-Nemila (7+750 – 13+260,17), Odvodnja mosta, knjiga D 1215, broj projekta 2044“.
2. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se, ovjerena od strane ove Agencije, vraća podnosiocu zahtjeva na trajno čuvanje, a ista će se koristiti u postupku pribavljanja odobrenja za građenje.
3. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i dr.
4. Vodna saglasnost se daje pod sljedećim uslovima:
 - 4.1. Radove na izgradnji objekata za prikupljanje, prečišćavanje i ispuštanja oborinskih voda, propusta ispod autoceste kojima je riješeno ukrštanje planirane autoceste sa povremenim i stalnim vodotocima, ispuste u recipijente izvesti u skladu sa ovjerenom projektnom dokumentacijom iz tačke 1. ovog Rješenja.
 - 4.2. Tehnologiju izvođenja radova prilagoditi uslovima na terenu uz odgovarajuća osiguranja ljudi i materijalnih dobara. Tokom izvođenja radova je potrebno da se obezbijedi nadzor nad provođenjem predviđenih mjera zaštite vodotoka od unošenja bilo kakvih opasnih tečnih i drugih materijala u korito i obale, a koje mogu izazvati zagađenje voda.
 - 4.3. Planom organizacije gradilišta koje će se formirati u funkciji provođenja navedenih aktivnosti, treba osigurati tako da mjesta za smještaj građevinske mehanizacije, tečnih goriva i maziva budu locirana izvan uticaja nivoa velikih voda i na takvoj udaljenosti da ne mogu imati negativan uticaj na eventualna izvorišta i vodotoke.
 - 4.4. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima.
 - 4.5. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl..
 - 4.6. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.

- 4.7. U okviru gradilišta riješiti prikupljanje i konačnu dispoziciju sanitarno-fekalnih otpadnih voda na način da se iste prikupe u vododržive posude/rezervoare i izvezu izvan zona izvođenja radova uz ugovor sa nadležnim komunalnim preduzećem.
- 4.8. Predvidjeti da se sav nastali otpad prikuplja i zbrinjava izvan vodnog dobra i površina obuhvaćenih uticajem velikih voda, a u skladu sa važećim propisima o postupanju sa otpadom.
- 4.9. Investitor je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu i mjera propisanih u dispozitivu ovog rješenja.
- 4.10. Korisnik saglasnosti je dužan da riješi imovinsko pravne odnose na lokalitetu izvođenja radova, formiranja privremenih gradilišta i pristupnih puteva.
- 4.11. U toku završnih radova i uređenja privremenih i stalnih pomoćnih putova, prilaza i servisnih saobraćajnica, odrediti i markirati odgovarajući put za pristup mehanizaciji i personalu koji će biti angažiran na poslovima kontrole, održavanja i čišćenja separatora ulja i masti.
- 4.12. Ispuste oborinskih voda i propusta izvesti tako da ne ugrožavaju proticajne profile i ne uzrokuju procese erozije na obalama i koritima vodotoka.
- 4.13. Po završenim radovima, potrebno je izvršiti uređenje korita, obala i pojasa u kome su vršeni radovi, tj. dovesti kompletan teren u prvobitno stanje.
5. Ukoliko se u toku izvođenja radova prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.
6. Po završetku izgradnje predmetne saobraćajnice i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata.
7. Ova vodna saglasnost prestaje važiti istekom roka od dvije godine od dana pravosnažnosti ovog rješenja ukoliko u tom roku ne bude pribavljeno odobrenje za građenje i započeta izgradnja.

O b r a z l o ž e n j e

Od strane pravnog lica, JP Autoceste Federacije BiH d.o.o. Mostar, podnesen je ovoj Agenciji dana 29.12.2021. godine zahtjev za izdavanje vodne saglasnosti na projektnu dokumentaciju za izgradnju lokalne saobraćajnice za Begov Han i Kovaniće od spoja sa magistralnom cestom M17 do uklapanja sa trasom postojeće lokalne ceste, uključujući i most preko rijeke Bosne, a u sklopu izgradnje autoceste na koridoru Vc: dionica Poprikuše - Nemila: Glavni projekat izgradnja autoceste na koridoru Vc, sekcija Poprikuše-Nemila (7+750 – 13+260,17), Odvodnja mosta, knjiga D 1215, broj projekta 2044, urađen 2021. godine od strane „Higracon“ d.o.o. Sarajevo i „Yuksel Proje“ Uluslararası A.S. Ankara, Turska.

U provedenom postupku dostavljena je i pregledana sljedeća dokumentacija:

- Kopija rješenja o izmjenama podataka o upisu u sudski registar, broj Tt-O-153/21 izdatog 03.03.2021. godine od strane Općinskog kantonalnog suda u Mostaru,
- Kopija uvjerenja o poreznoj registraciji, izdatog 07.02.2013. godine od strane Kantonalnog poreznog ureda Mostar,
- Kopija uvjerenja o registraciji/upisu u jedinstveni registar obveznika indirektnih poreza, broj: 04/1-17/1-UPJR/1-630-2/19 izdatog 01.02.2019. godine od strane Uprave za indirektno-neizravno oporezivanje,
- Kopija rješenja o urbanističkoj saglasnosti broj: 03-19-5363/21 izdatog 10.08.2021. godine od strane Službe za urbanizam Grada Zenica,
- Kopija rješenja o prethodnoj vodnoj saglasnosti, broj: UP-I/25-1-40-200-12/21 izdatog 22.07.2021. godine od strane ove Agencije,

- Glavni projekat izgradnja autoceste na koridoru Vc, sekcija Poprikuše-Nemila (7+750 – 13+260,17), Odvodnja mosta, knjiga D 1215, broj projekta 2044, urađen 2021. godine od strane „Higracon“ d.o.o. Sarajevo i „Yuksel Proje“ Uluslararası A.S. Ankara, Turska,
- Glavni projekat izgradnja autoceste na koridoru Vc, sekcija Poprikuše-Nemila (7+750 – 13+260,17), Lokalna cesta 2 (cesta za Begov Han) knjiga B 1011 (sveska I i II) urađen 29.10.2021. godine od strane „Saraj-inžinjeri“ d.o.o. Sarajevo i „Yuksel Proje“ Uluslararası A.S. Ankara, Turska,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon uvida u dostavljenu dokumentaciju konstatovano je sljedeće:

Podnosilac zahtjeva je za potrebe izrade projektne dokumentacije angažirao projektnu kuću „Higracon“ d.o.o. Sarajevo, koje posjeduju ovlaštenja za izradu projektne dokumentacije, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08).

Projektna dokumentacija je revidovana od strane projektne kuće „PPG“ d.o.o. Sarajevo koja posjeduje ovlaštenje za izradu projektne dokumentacije prema gore navedenom pravilniku.

Projektna dokumentacija je urađena u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-I/25-1-40-200-12/21 od 22.07.2021. godine na nivou glavnog projekta, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat izgradnja autoceste na koridoru Vc, sekcija Poprikuše-Nemila (7+750 – 13+260,17), Odvodnja mosta, knjiga D 1215, broj projekta 2044, urađen 2021. godine od strane „Higracon“ d.o.o. Sarajevo i „Yuksel Proje“ Uluslararası A.S. Ankara, Turska, data vodna saglasnost na istu.

Lokalna saobraćajnica projektovana u dužini cca 500 m, proteže se od sjeveroistoka ka jugozapadu, počinje spojem sa magistralnom cestom M-17 i spaja se sa trakom za vangabaritni prevoz, prelazi mostom preko rijeke Bosne i završava na trasi lokalne saobraćajnice na desnoj obali rijeke Bosne.

Na trasi lokalne saobraćajnice projektovana su dva betonska propusta $\Phi 1500$ mm na stacionažama km 2+060.00 i km 2+340.00 sa funkcijom prikupljanja vode i jarka uz magistralni put M17 i jarka uz trup lokalne saobraćajnice kao i prikupljanja vode iz rigola na krajnjem dijelu trase lokalne saobraćajnice.

Prikupljanje oborinskih voda sa mosta Kovanići planirana je pomoću mostovskih slivnika, lociranih u skladu sa uzdužnim i poprečnim nagibom kolovoza. Projektovano je 13 mostovskih slivnika na desnoj strani mosta i 6 na lijevoj strani mosta. Sistem transporta prikupljenih oborinskih voda sastoji se od dva glavna uzdužna voda koji se odvođe do zajedničkog okna a zatim odvođe do separatora ulja i masti sa bajpasom. Preliv iz separatora predviđen je preko okna za monitoring u rijeku Bosnu.

Urbanistički uslovi za izgradnju lokalne saobraćajnice sa mostom za naselja Kovanići i Begov Han i priključkom na magistralni put M-17 u dužini, propisani su kroz Rješenje o urbanističkoj saglasnosti broj: 03-19-5563/21 izdato dana 10.08.2021. godine od strane Službe za urbanizam Grada Zenica.

Na osnovu dostavljene projektne dokumentacije, a u cilju smanjenja negativnih uticaja predmetnog objekta i aktivnosti na stanje voda i vodni režim, te omogućavanja korištenja voda i prostora vodnog dobra i prava na vode dodijeljena drugim korisnicima, podnosiocu zahtjeva su ovom vodnom saglasnošću, u tački 4. dispozitiva Rješenja, propisani uslovi u skladu sa članom 114. Zakona o vodama i članom 7. Pravilnika o sadržaju, obliku, uslovima načinu izdavanja i čuvanja vodnih akata, koje je investitor dužan ispuniti u toku gradnje («Službene novine Federacije BiH» broj 31/15, 55/19 i 41/20).

Podnosilac zahtjeva je uplatio upravnu taksu u iznosu od 60KM u skladu sa članom 7. Stav 1. Tarifni broj 43. Zakona o federalnim upravnim taksama («Službene novine Federacije BiH» broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta


Roksanda Školjić, dipl.inž.građ.

Prilog: 1.Ovjerena projektna dokumentacija iz tačke 1 Rješenja

2 .Glavni pojekat Knjiga B 1011 – sveska I i sveska II

Po ovlaštenju

Rukovodilac sektora za izdavanje vodnih akata



Haris Ališehović
Haris Ališehović, dipl.inž.građ.

Dostaviti:

- JP Autoceste Federacije BiH, (sa priložima)
Ul. Adema Buca br 20, 88000 Mostar
- ☞ AVP Sava – ISV Vodna knjiga
- Sektor 40 - Arhiva
- Oglasna ploča AVP - Sava